

stabiles, et immoti permaneant, ac nunquam se decipi, et in errorem induci patiantur. Et quoniam apprime scis, Te pro Christo legatione fungi, qui venit quærere, et salvum facere quod perierat, iccirco nullis curis, nullis consiliis nullisque laboribus parcere unquam velis, ut miseros errantes ad rectum veritatis, justitiæ salutisque tramitem reducere, illosque Christo lucrifacere pcassis. Inter angustias vero, et difficultates, quibus episcopale ministerium hisce præsertim tristissimis temporibus est obnoxium, ne concidas unquam animo, sed confortare in gratia Domini Nostri Jesu Christi, præ oculis habens immarcescibilem illam gloriæ coronam ab ipso æterno Pastorum Principe perseverantibus promissam. Pro certo autem habe, Nos a Deo humiliter enixeque exposcere, ut uberrimis cælestis suæ gratiæ donis Te ditare ac pastoralibus Tuis curis benedicere velit quo ista Dominicæ suæ Vineæ pars Tuis excolenda laboribus Tuisque irriganda sudoribus uberrimos, lætissimosque justitiæ fructus in dies emittat. Ac divini hujus præsidii auspicem et præcipuæ Nostræ in Te benevolentiæ pignus Apostolicam Benedictionem toto cordis affectu Tibi ipsi, Venerabilis Frater, cunctisque Clericis Laicisque fidelibus Tuæ vigilantia concreditus, peramanter impertimus.

Datum Romæ apud S. Petrum die 28 Junii anno 1866.

Pontificatus Nostri anno Vicesimo primo.

(Sign.) PIUS P. P. IX.

(Pro apographo,)

L. Z. MOREAU, Pter.-Secretarius.